

Unang pagkakataon kong dumalo sa Philippine Day ngayong 2006. Ito ay para kumain ng Filipino food na di ko luto. Walang balak na mamili ng gamit ngunit nang ako'y gumala sa mga tindahan, naakit ako sa isang itim na t-shirt, lalo na sa mga nakasulat dito. Binili ko at tuwang tuwang umuwi.

"Angat Pinoy!" Ito ang sabi ng bago kong t-shirt. Feel na feel ko talaga ang message lalo na noong Philippine Day! "Angat Pinoy!", makabuluhang mithiin ng isang bayang nagnanais na makaahon sa karumaldumal na kalagayang pangkasalukuyan. Teka, ang lalim! Masusuot ko naman kaya ng may buong paninindigan ang t-shirt kong ito? Isip, utak! Bakit kasi di ko na lang kinuha ang "Brown Power"? Pareho lang ang presyo...pero, di ko talaga siya feel...

Alam nyo ba ang kasabihang "Ang di marunong lumingon sa pinanggalingan ay hindi makararating sa pinaroroonan"? Ang sabi ng grade school titser ko maraming taon na ang nakalipas ay tungkol daw ito sa "practice of humility" o pagiging mapagkumbaba. Isang magandang halimbawa ay ang pag-aaruga ng ating mga nanay at tatay sa pagkakaroon ng mga biyayang meron tayo ngayon. Biyaya, tulad ng edukasyon, good family and moral values, ang pagiging maka-Diyos, kultura, atbp. Mahirap ipagyabang na walang ibang taong tumulong sa ating abutin ang ating tagumpay. Sa Oscars nga, madalas marinig ang "and I thank my mom..." Ganoon din sana tayo kay Inang Bayan, "I thank my beloved Philippines for..." Ukol din ito sa ating pag gunita sa pagmamahal na iginawad ng ating mga ninuno para sa bayan. Ang kadakilaan nila ang nagbigay ng demokrasya sa Pilipinas. Angat Pinoy! Kung uso ang silk screen nuong unang panahon,

Ang Pananaw



ni Ka Labaw

"Ang T-shirt Kong Bago"

marahil ang t-shirt ko ang suot ni Andres Bonifacio sa himagsikan.

Third World ang Pilipinas ngunit ang hirap paniwalaang lubog siya sa utang kasi ang daming nagshoshopping at mga restoran, puno! Angat Pinoy! Maganda at maraming gimikan sa Pinas! Nakalakad ka na ba sa mga pilapil sa Banawe, nakapamangka ka na ba sa underground river sa Palawan? Eh, sa Mindoro o sa Bohol, nasid mo na ba ang karagatan niya at nakita ang pinagmamalaking biodiversified marine life? Surfing in Siargao, anyone? How about climbing or hiking in Mt. Apo or Mt. Pinatubo? Kung di mo feel ang nature trips kasi "mainit", nagkalat ang mga malls at ang nightlife, comparable to those found in cities of the western world. Di lang sa Maynila yan, ha? Daming puwedeng gawin at puntahan kaya kung me kausap na "dayuhang mangmang" at walang alam tungkol sa Pilipinas kung hindi ang pagiging "Third World", pakituruan naman.

Angat Pinoy! Kailangang ipagmalaki at bigyang kahalagahan ang mga kulturang katutubong ipinamana sa atin ng ating mga ninuno, tulad ng sayaw, awit, alamat, mga kagamitan at wika. Ang mga magaganda nating kaugalin tulad ng pagmamano at pagsasabi ng po at opo ay maaaring panatilihin lalo na sa mga kabataan miski naninirahan sa ibang bayan. Maganda sanang matutong magsalita ng Pilipino ang lahat ng taong of Pinoy-heritage sa loob o labas ng Pilipinas. Alam niyo ba na ang isa sa mga singers ng Black-Eyed Peas ay nag-record ng isang awit sa wikang

Pilipino? Galing, "no? Angat Pinoy!"

Bakit kaya may mga Pilipino na mahilig mamintas kay Inang Bayan? Buti sana kung me ginagawa silang makatutulong sa pagsulong ng Pilipinas. Hindi ba pag siniraan at ikinahiya ng isang Pinoy ang Pilipinas ay parang sarili na rin niya ang siniraan at ikinahiya niya? Miski iba na nga ang citizenship ng Pinoy o di kaya ay anak ng Pinoy o Filipino-descent, mahirap itago ang pagiging Pinoy, di ba? Kaya, better not say bad things...

Sa aklat ni Atty. Alex Lacson na may pamagat na "12 Little Things Every Filipino Can Do To Help Our Country", merong limang gabay, na para sa akin, ay ang mga pinakamahalaga para sa isang naninirahan sa labas ng bansa. Nabanggit ko na ang iba ngunit magandang ulitin. Ito ay ang mga sumusunod:

1. "Be a good parent. Teach your kids to follow the law and love our country."
2. "When you talk to others, especially foreigners, speak positively about us and our country."
3. "Pay your taxes."
4. "Adopt a scholar or a poor child."
5. "Do not litter. Dispose your garbage properly. Segregate. Recycle. Conserve."

Ang landas pabalik sa kaunlaran ay kayang makamit. Kaya, angat Pinoy!

Ang t-shirt kong bago. Alam kong maisusuot ko ito upang maipalala sa mga makababasa tungkol sa adhikain ng Inang Bayan para sa kanyang mga anak...hindi nasayang ang \$10 na ipinambayad ko. Sa totoo lang, okay din ang "Brown Power".

